

A decorative border featuring a repeating pattern of stylized floral and scrollwork motifs. The design is symmetrical and ornate, typical of traditional bookbinding or decorative arts. The pattern consists of alternating leaf-like shapes and circular floral elements, all rendered in a dark ink on a light background. The border is framed by a thin double-line border.

գտնել և այն մարդկանց ներկայացնելու իր մտադրությունն իրագործել, որովհետև դրանով հրեաների զայրույթը կգրգռվեր քրիստոնյաների հանդեպ: Այդ ժամանակ նա խաչի նմանակը բարձրացնելով ի տես ժողովրդի, մի գեղեցիկ հոգևոր երգ էր հորինել. «Խաչի քո Քրիստոս երկրպագանեմք և զսուրբ թաղումդ քո փառաւորեմք... եկալք հաւատացեալք երկրպագեցուք աստուածային սուրբ նշանիս» բառերով:

Սիրելի հավատացյալներ, այժմ խոսենք այն մասին, թե ի՞նչ է խաչի նշանակությունը մեզ համար:

Հին աշխարհը սարսափում էր խաչից, որովհետև խաչը մահվան գործիք էր: Մահվան դատապարտվածները իրենց հոգին էին ավանդում խաչի վրա և այդպիսով վերջ գտնում: Այդ պատճառով մարդիկ սարսափում էին այդ երկու փայտերից, որոնք մահվան դատապարտության նշան էին: Հին աշխարհը վախենում էր խաչից, որովհետև խաչը վերջ էր մեղավորի համար: Սակայն տարօրինակ կերպով այդ նույն մահվան գործիքը Քրիստոսի խաչելությամբ, Հիսուսի անմեղ արյան հեղումով իր վրա, բոլորովին իմաստը փոխեց: Խաչը մահվան, վախի, սարսափի առարկա լինելուց դարձավ փառքի առարկա, հաղթության նշան, և իսկապես քրիստոնյաները իրենց կյանքի բոլոր հաջողությունների ժամանակ խաչն են փառաբանել և խաչի տված գործությանն են սպասվինել: Նույն իմաստով մենք այսօր մեր կրծքին ենք կրում այն, մեր եկեղեցիների ճակատին և գմբեթներին ենք դնում այն, որովհետև նրանից այլևս մահ չի բուրում, այլ, ընդհակառակը, նրանից նոր կյանք է ծագում, կյանքի քաղցր, իմաստալից բուրմունքն է նրա միջից տարածվում: Մենք՝ քրիստոնյաներս, այլևս խաչից չենք սարսափում, ընդհակառակը՝ խաչը մեզ համար տեր և պահապան է դարձել: Ծառ հաճախ երբ որևէ բանից սարսափում և վախենում ենք, խաչակնքում ենք մեր երեսները՝ ասելով. «Ո՛վ Տեր, քո խաչով մեզ պատսպարիր, թող քո սուրբ խաչը ամբողջան վահան լինի մեզ համար, մեզ պաշտպանի, պահի և պահպանի չարից և նրա հրեշտակներից»:

Այսօր ևս, սիրելի հավատացյալներ, այդ խաչը խորը իմաստ ունի մեզ համար: Սովորական երկու փայտեր չեն դրանք իրար ագուցված, և խաչը պարզապես մի հորիզոնական և ուղղաձիգ նշան չէ մեզ համար: Խաչի երկրնքից երկիր իջնող ուղղաձիգ թևը ցույց է տալիս Աստծու էջքը և շնորհի աշխարհին ու մարդկությանը բերված: Այն խորհրդանշում է Աստծու սերը՝ որպես նշան ու գրավական մարդկությանը տրված Իր Որդու միջոցով և նրա էջքով աշխարհ: Իսկ խաչի հորիզոնական թևը խորհրդանշում է Աստվածուն ճանաչելու մարդկության նկրտումներն ու ձգտումները՝ ողջ մարդկության ձգտումը բոլոր ժամանակների ընթացքում: Երկնքից էջքը աշխարհ՝ Աստվածորդու և Աստծուն ճանաչելու մարդկության ձգտումը կազմում են այն գեղեցիկ խաչը, որ մարդկության փրկության միջոցը պիտի լիներ և հաղթանակի խորհրդանշիչը մեր կյանքում:

Ահավասիկ խաչի նշանի մեջ ի՞նչ խորհուրդ է բովանդակվում: Աստված երկնքից երկիր է իջնում, իսկ մարդիկ երկրից ուզում են բարձրանալ երկինք, հասնելու Աստծուն: Հորիզոնական գծով հնարավոր չէր բարձրանալ երկինք, ուստի Աստված գալիս է երկնքից երկիր, այսպիսով խաչի նշանն է կազմվում: Ա դ խաչը մեզ գորացնում է, որ կյանքում երբեք չվախենանք չարից, հավատանք խաչի գործությանը, խաչի պահպանությանը, խաչի առաջնորդությանը: Մենք, որպես քրիստոնյաներ, միշտ հպարտությամբ ենք խաչակնքում ամեն օր, հատկապես ամեն առավոտ և երեկո աղոթելիս:

խաչի նշանը մեզ համար վահան, զորություն և ամրոց է և մեզ պահպանում է բոլոր տեսակի վտանգներից: Խաչը արգելում է, որ չարն ու սատանան մեզ մերձենան:

Սիրելի հավատացյալներ, խաչի զորության գիտակցությունը գեղեցիկ և հուսադրող մի գիտակցություն է: Ամեն մարդ կյանքում իր պարտականության հանդեպ ունեցած պատասխանատվության գիտակցության չափով իր խաչն է կրում: Ժողովուրդն իզուր չի սատմ. «Ամեն քրիստոնյա և ամեն մարդ իր խաչն ունի այս աշխարհում»: Ամեն ոք իր խաչը տանում է դեպի Գողգոթա, որտեղ իր կյանքով և մահվամբ, իր զոհողությամբ պիտի կարողանա արդարանալ, սրբվել և արժանանալ աստվածային հավիտենական փառքին և լուսեղեն տեսությանը:

Ամեն անհատ այս կյանքում իր պարտականությունը և պարտավորությունն ունի: Այսինքն ամեն մարդ իր խաչն ունի իր ընտանիքի, իր սիրելիների, իր Եկեղեցու, իր ազգի, իր հողի, իր հաշիների և ամբողջ մարդկության հանդեպ: Ով որ այս գիտակցությունը հասկանում է ամենատարածական, ամենարովանդակալից իմաստով, նրա ուսին պրված խաչը խիստ ծանր է: Այս առումով նաև ծանր է մեր ժողովրդի առաջնորդների ուսին դրված խաչը, որը պետք է թեթևացնենք մեր աղոթքներով և բարի մատթանքներով: Միաժամանակ պետք է խնդրենք մեր Տիրոջից, որ մեր առաջնորդներին զորավիգ կանգնի, հատկապես կյանքի այս ծանր տարիներին և նրանց խաչը թեթևացնի:

Եկեք սրտեռանդն աղոթենք միմյանց համար, միմյանց օգնենք, մեկս մյուսի խաչը վերցնենք, որպեսզի Աստված բոլորիս օգնի և մեր խաչերը թեթևացնի:

Այսօր հիշատակն ենք կատարում խաչի գլուտի, աղբյուսներից վերստին նրա հանման, այն Քրիստոսակիր խաչի, որ եղավ մարդկության փրկության լաստը: Այսօր նաև մեր կյանքի ճղճիմ մտահոգությունները և անարժեք մտատանջությունները, ընչաքաղցության մեր սին երազները մոռանանք, թող մեր հավատի, հույսի դռները բաց մնան, ճանաչենք մեր կոչումն ու պարտքը մարդկության հանդեպ: Վեր հանենք մեր մտահոգությունների տակ թաղված խաչը և ճանաչենք նրա զորությունը մեր կյանքում: Թող շարականագրի նման երգենք ու ասենք. «Փառք սուրբ խաչիդ, ալելուիա, խաչելությանդ, ալելուիա, սուրբ հարությանդ, ալելուիա»:

Սիրելի հավատացյալներ, թող Քրիստոսի փրկարար խաչը տեր ու պահպան լինի մեզ, մեր ազգին, ամբողջ քրիստոնյա մարդկությանը այժմ և հավիտյանս հավիտենից, ամեն»: